

傷寒六書纂要辯疑卷之三

傷風見寒傷寒見風

熱盛而煩手足自溫風症脉浮而緊寒脉此傷風見寒也不煩少熱四肢微厥寒症脉浮而緩風脉此傷寒見風也二者為榮衛俱病法用大青龍湯此藥峻陰不可輕用須風寒俱盛又加煩燥方可與之不若羌活沖和湯為神藥也

風溫

風從熱故身發熱風與熱搏故自汗

風溫尺寸俱浮素傷於風因時傷熱風與熱搏即為風溫其外症四肢不收身熱自汗頭痛喘息發渴昏

睡或體重不仁慎不可汗汗之則譫語煩擾目亂無
睛光病在少陰厥陰二經姜蕤湯小柴胡選用未醒
者柴胡桂枝湯發汗後復身灼熱知母葛根湯渴者
瓜蒌根湯脉浮身重防已湯

濕溫 濕從寒故身惡寒濕與熱搏故自汗

濕溫寸濡而弱尺小而急素傷於濕因時中暑濕與
熱搏即為濕溫其狀胸腹滿目痛壯熱妄言自汗兩
脛逆冷倦怠惡寒慎不可汗若發其汗使人不能言
耳聾不知痛處其身青面色變是醫殺之耳濕溫在
太陰蒼朮白虎湯加桂濕氣勝一身盡痛發熱身黃

小便不利大便反快五苓散加茵陳臟虛自利附子理中湯

風濕

風濕脉浮先傷濕而後傷風也其症身體腫痛不能轉側額上微汗惡寒不欲去衣大便難小便利熱至日晡而劇治法但微解肌若止發汗則風去濕在非徒無益而又害之羗活沖和湯咽渴小便不利者五苓散外不熱內不渴小便利术附湯熱而煩渴者小柴胡加天花粉中濕小便不利一身盡痛身黃大便快茵陳五苓散



寧波中醫學院
大學圖書館藏

溫毒中暍 中暍註云中暑

溫毒者冬月感寒毒異氣至春始發也表症未罷毒氣未散故有發斑之候心下煩悶嘔吐咳嗽後必不利寸脉洪數尺脉實大為病則重以陽氣盛故再用玄參升麻湯或黑膏主之中暑脉虛而伏身熱面垢自汗煩燥大渴毛聳背惡寒昏倦身不痛與傷寒諸症大不同內外俱熱口燥煩渴四肢微冷身不痛白虎湯痰逆惡寒橘皮湯熱悶不惡寒竹葉石膏湯中暑小柴加香薷最良脉濡洒然毛聳口齒燥人參白虎湯霍亂煩燥大渴腹痛厥冷轉筋黃連香薷湯

頓冷服之如熱服反為吐瀉矣凡中暑自汗者不可用藥止汗以暑當與汗而俱出也內經曰因於暑體若燔炭汗出而散

發熱

夫翕翕然而熱者表熱也蒸蒸然而熱者裏熱也屬表者風寒客於皮膚邪氣拂鬱於外表熱而裏不熱也屬裏者陽氣下陷入陰中裏熱甚而達於表也其在半表半裏者以表熱未罷邪氣傳裏裏未作實則表裏俱熱而但輕於純在裏也太陰厥陰皆不發熱惟少陰有之但其脉沉或下利手足冷為異耳雖然傷

寒發熱痛之常也脉陰陽俱虛熱不止者汗後復發
熱脉燥疾下利者皆不易治

凡大汗則損氣氣損則陽微故脉虛而惡寒
傷血血傷則陰弱故脉濇而發熱故曰陽虛生外寒
陰虛生內熱誤汗誤下皆有此耳且陰以陽為主陽
以陰為根下之亡陰陰無所主邪氣搏之血虛乃發
熱也

頭痛

頭痛者寒邪入足太陽經上攻於頭此表症也脉浮
緊無汗惡寒可發汗脉浮緩有汗惡風宜解肌照時

令用藥陽明病不惡寒而反惡熱五六日不大便胃
實燥渴熱氣上攻頭目脉實者調胃承氣湯少陽頭
痛者小柴胡湯濕家鼻塞頭痛瓜蒂散搐鼻黃水出
即愈痰涎頭痛胸滿寒熱瓜蒂散吐之厥陰乾嘔吐
涎沫頭痛者吳茱萸湯主之三陽雖有頭痛不若太
陽專主也三陰無頭痛惟厥陰有頭痛脉係絡於項
巔也若痛連於胸手足俱青為真頭痛必死矣

項強

項強者太陽感邪表症也發散則解結胸項強太陽
胸湯陰毒初得病項背強咽痛心腹痛短氣厥逆吐

利身如被杖附子湯正陽湯天行復作熱至晚則腰痛頭項強身重葛根生姜豉湯

惡寒

惡寒者不見風亦惡寒身雖熱不欲去衣被寒邪客於榮衛陰氣上入陽中則洒淅而惡寒也經曰發熱惡寒者發於陽也無熱惡寒者發於陰也謂如或已發熱或未發熱必先惡寒而繼之以發熱此則發於陽也若初病惡寒而趺脉沉細而緊此則發於陰也在陽則發汗在陰則溫裏或下症悉具而微惡寒者是表猶未解當先解表後攻裏若少陰病惡寒而趺



手足厥冷自利煩燥脉不至者不治

惡風

惡風者見風則怯密室之中無所惡也風傷衛氣衛
虛則腠理不密由是而惡矣悉屬於陽非比惡寒有
陰陽之別若無汗而惡寒者為傷寒當發汗汗出而
惡風者則為傷風當解肌不可更發汗若裏症甚惡
風未罷者當先解其表汗不止惡風煩燥不得卧先
防風白朮牡蠣湯次小建中湯風溫惡風不欲去衣
骨節煩疼不得屈伸汗出短氣小便不利或身微腫
甘草附子湯



北京中醫藥大學圖書館藏
約大學圖書館藏

背惡寒

背為陽腹為陰背惡寒陽不足也陽不足則陰氣盛陰氣盛者口中和附子湯陽氣內陷者口乾燥白虎湯汗後惡寒脉（細）數（浮）遲嘔不止理中丸少陰病脉（沉）細惡寒者四逆湯若下利惡寒而蹇手足溫者小建中湯若惡寒而蹇時自寒不欲厚衣大柴胡湯

寒熱

往來寒熱者陰陽相勝邪正分爭也屬少陽半表半裏証蓋陽不足則陰邪出表而與之爭故陰勝而為寒陰不足則陽邪入裏而與之爭故陽勝而為熱邪

居表多則多寒邪居裏多則多熱邪在半表半裏則
寒熱相半乍往乍來而間作也小柴胡專主往來寒
熱寒多者加桂熱多者加黃芩太陽症八九日如瘧
狀一日二三度發不嘔清便脉浮緩者為自愈不浮
緩為未愈柴胡桂姜湯病至十餘日熱結在裏大渴
大便實往來寒熱大柴胡湯若往來寒熱胸脇滿而
不痛者半表半裏症未入乎腑小柴胡加枳桔婦人
中風七八日續得寒熱發作有時經水適斷為熱入
血室小柴胡湯

潮熱

傷寒論卷之六
潮熱者屬正陽明胃腑旺於未申一日一發日晡而
作如潮水之有信也專主胃中實熱燥糞使然宜下
之如熱不潮大便不實而脉浮者表症尚在未可與
承氣湯候大便硬而燥渴與自汗譫語者急當下之
若潮於寅卯則屬少陽潮於己午則屬太陽是又不
可不辯

似瘧

似瘧者一名瘧狀作止有時非若寒熱往來之無定
也太陽症似瘧脉浮洪桂枝湯清便自可不嘔一日
二三度發桂麻各半湯陽明似瘧煩熱汗出日晡發

熱脉(浮)桂枝湯脉(實)承氣湯婦人熱入血室其血必
結亦如瘧狀小柴胡湯熱多寒少陽勝陰也尺脉遲
者建中湯尺脉不遲小柴胡和之溫瘧脉和平身無
寒但熱骨節煩痛時嘔白虎湯加桂渴者小柴胡加
瓜蒌根厥陰脉(浮)緩囊不縮必發熱惡寒似瘧為欲
愈如脉不(浮)面赤色有熱者以其不能得小汗身必
痒用桂麻各半湯

無汗

無汗者寒邪中經腠理固密津液內滲而無汗也風
暑濕皆令有汗惟寒邪獨無汗出太陽症無汗者冬

用麻黃湯春秋冲和湯夏月神朮湯項背強兀兀無汗者葛根湯陽明無汗而喘者麻黃湯脉（弱）難作汗者血虛也黃芪建中加朮附湯若當汗之症與發汗劑二三貼汗不出者難治

自汗

自汗者衛為邪干不能固密腠理疎而汗出有表裏虛實之分若惡風寒自汗者表症未解也冬桂枝湯餘月加減冲和湯若汗後惡風寒皆為表虛汗不止黃芪建中湯太陽症發汗遂漏不止為亡陽朮附湯若自汗出不惡風寒是表症罷而裏症實也用承氣湯



若小便自利汗出者津液少也急下之汗出而渴
小便難者五苓散或汗出如油貫珠不流喘而不休
者衛氣絕矣皆不治

戰汗

戰汗四症 有戰汗出而解者 有不戰汗出而解
者 有振慄作寒汗出而解者 有蒸蒸發熱汗出
而解者 病有戰而汗出得解者其脉浮而緊按
之反芤此人本虛故當發戰脉浮故當汗出也 病
有不戰汗出而解者其脉浮而數按之不芤此人本
實以正勝邪作戰不成但汗出而解矣 病有振慄

而汗者太陽病未解脉陰陽俱停雖劇當愈必先振
慄汗出而解矣陽脉微者先汗出而解矣陰陽俱停
謂無偏勝寸關尺(大)(小)(浮)(沉)(遲)(數)同等也脉微者是
胃氣回不再受邪也病有蒸蒸振汗者小柴胡症
具而以他藥下之柴胡症仍在者復與柴胡湯此雖
已下之不為逆得湯必蒸蒸而振發熱汗出而解矣

頭汗

頭汗者邪搏諸陽之首則汗見於頭至頸而還也若
遍身自汗出謂之熱越今熱不得越而陽氣上騰津
液上湊故出於頭夫裏虛不可下內澗不可汗既

頭有汗不可再汗也其或實熱在內小便利大便黑
為畜血頭汗出者輕則犀角地黄湯重則桃仁承氣
湯熱入血室有半表裏症頭汗出者小柴胡湯發黃
頭汗出小便難渴飲水漿者濕也輕則茵陳五苓散
重則茵陳大黃湯

手足汗

手足汗者手足乃諸陽之本熱聚於胃腑則津液傍
達於四肢也蘊熱則燥煩譫語手足汗出者大承氣
湯下之挾寒則水谷不分手足汗出者理中湯溫之

盜汗